



UNIVERSITÄTS-  
BIBLIOTHEK  
PADERBORN

**Series Episcoporum Archiepiscoporum Et Electorum  
Moguntinorum, Trevirensium Et Coloniensium**

**Kolb, Gregor**

**Rottwilae, 1725**

**VD18 12054054**

LXX. Theodoricvs II. XLIX. Arch. XXXIII. Elector.

---

[urn:nbn:de:hbz:466:1-64326](#)

## S E C U L U M X V.

LXX. THEODORICVS II. XLIX. ARCH.  
XXXIII. ELECTOR.

**T**HEODORICUS II. Comes de Mörs annis 48. Archiepiscopus, Episcoporum duorum frater, ipse simul Episcopus Paderbornensis floruit. Inter facinora Theodorici majora numeravit posteritas diem Theophoriæ solennem, quem sacratiorem esse præcepit, ut Latrevticus cultus adversùs hæreses amplius splendesceret. Cæsaris Verdam ad illud usque tempus Clivensi Comiti subjectam ditionis suæ fecit; Susatum verò nimis tributis fagitatum amisit, subditis Comitem Marchiæ sibi dominum poscentibus. An. 1463 mortuis apposuit.

LXXI. RVPERTVS. L. ARCH.  
XXXIV. ELECTOR.

**R**UPERTUS Dux Palatinus Friderici cognomento Victoriosi Electoris frater, à Coloniæ Canonicis est electus ea lege, qua Archipræsulis restricta plurimū fuit potestas sacra juxtā ac profana, vixque relicta sunt Electoris sustentationi congruæ accessaria. Aegerrimè servitutem hanc novissimam tulit cum fratre frater Victoriosus; quare conducto exercitu latus opem Ruperto, oppida varia & arces Canonicorum copiis occupatas expugnavit. Seditio inde ingens adversus Rupertum exorta turbavit omnia: anno namque 1473. à Canonicis in Coloniæ Antistitem electus Hermannus Hassiæ Marchio, in suppetas vocavit Carolum Audacem Burgundorum Ducem, qui continuò Novesium urbem in Coloniensi Electoratu munitissimam obsidione cinxit; sed demum à Friderico III. Cæsare repulsus, ab incepto opere destitit. Rupertus interea omni ex parte derelictus, dum fugam capessivit, in via ab Henrico Haf-

fiz